



12-10-2023

UKA 2023/132
Jens Napâtôk', Naleraq

Ilulissani imeqarfiup siunissami nunap qeriuaannartup aakkiartuaarnerani atuutiinnarsinnaanera qulakkeerneqarsinnaanersoq kiisalu amittorsuup tasia imeqarfissatut periarfissatut tulluussinnaanersoq pillugu Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Aqqalu C. Jeremiassen, Atassut)

Siullermeerneqarnera

Inatsisartunut ilaasortaq Aqqalu C. Jeremiassen, Atassut, aalajangiiffigisassatut siunnersuuteqarnera pillugu Naleqqamiit qutsavigerusupparput imatullu siunnersuummut oqaaseqaateqassaagut.

Siunnersuuteqartup siunnersuutaa Ilulissani imeqarfiup siunissami nunap qeriuaannartup aakkiartuaarnerani atuutiinnarsinnaanera qulakkeerneqarsinnaanersoq kiisalu Amittorsuup tasia imeqarfissatut periarfissatut tulluussinnaanersoq pillugu Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut saqqummiussaa pingaarteqartorujussuuvoq.

Ilulissani imeqarfiup nuunnissaa kinguarsarneqaqqissinnaanngilaq

Naleqqamiit siunnersuuteqartoq paasisinnaalluarparput Ilulissani imeqarfiup siunissaq eqqarsaatigalugu nunap qeriuaannartup aakkiartornerani atuutiinnarsinnaara qulakkeerusullugu nalunaarusiorusummat, taamaattorli siunnersuuteqartoq siunnersuutaa apeqquuserusupparput ilumut nalunaarusiortoqaqqaartariaqarnerasoq isumaqaratta paasisutissat naammattut pigereeripput Ilulissat imeqarfiata nuunneqarnissaa pillugu allaat aningaasartuutaasussat missingersiorneqarnikuunerat pigaaqut.

Ilulissani imeqarfiup nuunnissaa Kommuni ilungersuutigalugu Naalakkersuisunut qaqilerisarnera qiviaranni tulleriaarinikkut qangaamalli Ilulissani imeqarfik nooreersimasussaagaluarpoq ilami maannakkut illoqarfiup ineriartoqqinnissaanut aporfinngorsimavoq amerlasuutigut utaqqqissinnaanngitsumik inissisimalersimavoq.

Nunaminertanik sanaartorfissanik amigaateqaanangilaq aamma Ilulissat ineriartornissaraluanik periarfissanik killilersuisorujussuanngorpoq imeqarfiup nuunneqarnaveersaarnera.

Imeqarfik qiviaranni kinguarsaqqinnagu nuunneqarnissaa kommunip Naalakkersuisunut qaqilerisarnerat ilutigalugu aqqiiffigisariaqartoq Naleqqamiit isumaqarfigaarput, tassami Avannaata kommuniata Naalakkersuisut nikeraqisut arlalippassuannortut paasisutissanik aammalu imeqarfiup



Naleraq

nuuttariaqarneranik aningaasaliinissamik saqqummiussiffigisarsimavaat ilaatigut qanoq akeqassanersoq aamma qaqilerneqarluni inissiffiusarsimavoq, maannakkumut killiffik tassatuangorpoq aningaasaliiffiginissaa.

Naalackersuisut akissuteqarnermini taakkartorpaat nuna tamakkerlugu imeq imernejarsinnaasoq qulakkeerneqartariaqartoq Naalackersuisut eqqumaffigigaa.

Tamannalu tunngavigalugu sammisaq taanna aamma piffissami sivitsortumi Naalackersuisut suliarisimagaat akissuteqarnermini saqqummiuppaat, tamatumanngalu tunngatillugu ataatsimiititaliami nalilersorlugulu qulaajaanissaa Naleqqamiit kissaatigerusupparput, tassami qulequtaannangorlugu oqaatigineqartoq eqqarsaatigalugu piffissami sivitsortumi suliaqarsimallutik naalackersuisut suliaqarsimanertik ilutigalugu upernaamut 2024-imut saqqumiilersaartut pilersaarummik tassungalu tunngatillugu aappassaneernissaanut paasisaqarsimalluta taasinissarput eqqarsaatigalugu neriuppugut kissaatigut ilanngullugit isumaliutiissummi saqqummiussisoqarsinnassoq.

Naalackersuisut allannguutissatut siunnersuutaat qiviaraanni suliaqartoqarluni inissisimasoqarpoq tamannalu ilutigalugu Ilulissani siunissami imermik pilersorneqarnissaanut pilersaarusiussasut qanorlu aningaasalersorneqassanersoq taamatullu ilangullugu nuna tamakkerlugu imermik pilersuimermik pilersaarummik sanassasut. Taannalu pilersaarut Inatsisartunut agguanneqassasoq Upernaakkut 2024-imi.

Tassunga tunngatillugu nuna tamakkerlugu pilersaarusiornermut suut takorloorneqarnersut assut Naleqqamiit paaserusuummernaarpoq.

Taamatut paasisaqarusuummernitsinni aallaaveqarpoq Naleqqamiit ugartortarsimagatigu imermik pilersuineq pillugu ilaatigut anngussimasagut eqqarsaatigalugit periarfissaq manna ilanngullugu annguttaarisimasarput ilaatigut makkuupput?

Isorliunerusuni imeqarnikkut pilersuineq qanoq pilersaaruteqarfiunersoq ugartortaratigu akineqartaratta annertunerusumik pilersaarutaarussimasoq, soorlu kangersuatsiami imermut tankiliorsinnaaneq aammalu sumiiffinni arlalinni nunaqarfinni tankinik imermik pilersuisussamik aammalu imermik ukiuuneranut peqqumaativitut atorneqarsinnaasut siunersuutigisaarpagut tatsit imaluunniit kuut nunaqarfiup eqqaaninngaaniit slangilerlugit immertarneqarsinnaasut eqqarsaatigalugit ugartueqqusigaluarpuq neriuppugut ilanngullugit suliarineqassasut ilami sineriammi sumiiffippassuaqarmat imeqarfimmik pisariaqartitsuilluinnartunik.

Ilaatigut assersuutitut taasinnaavarput naalackersuisunut annguttaarnikuusatta ilagaat Naajaat Upernaviup eqqaani nunaqarfik suli imeqarnikkut aaqqiffigineqarnikuunngimmat inuit nammineq imertartorlutik dunkinik suli ingerlapput.

Nunatsinni suli sumiiffippassuarni imeqaratik inissisimasut piaartumik siullullugit aaqqiiffiginissaat ilanngullugit naalackersuisut suliaqarnissaat Naleqqamiit kaattuutigerusupparput, ilami ilumorsinnaanngilaq ullutsinni ukioq 2023-imi suli inuit imertartorlutik pisiaqassasut nutaaliornit



Naleraq

naleqqussaanerit aamma isorliunerusunut nunaqarfinnullu ilanngullugit suliarineqarnissaat kissaati-
galutigu naalakkersuisut allannguutissatut siunnersuutaat akuerissutigalutigu saqqummiussagut
ilanngullugit ataatsimiitaliami nalilersorneqarnissaat innersuussutigaaqut.